



**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

Cap. XXIV. Quæ ex ijs rebus, quas in molestijs & infestationibus Spirituum
viuentes percipiunt, Spiritibus Angelicis tribuenda sint, quamuis humani
illarum videantur esse authores?

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

CAP. XXIII.

Ostenditur quæ ex ijs rebus, quas in molestijs atq;
infestationibus Spirituum viuentes percipi-
unt, Spiritibus Angelicis tribuenda
sint, & non humanis: quamvis
humani illarum videantur
esse authores..

Inquisitum est, quid in molestijs, quæ per Spiritus viuentibus
afferūtur, humanis Spiritibus tribui possit. Quia verò exiguum
est illud, non abs re fuerit, si doceamus, *Quinam reliquarum,*
qua afferuntur, molestiarum, sint authores. Parum enim est scire qui
ipsarum authores non sint, multum, nosse qui sint.

Et quidem si ratione consentanea sunt, & à vero non aliena,
quæ superiori Capite sunt dicta, expedita hic est responsio. Concep-
endum enim est, omniū, quæ ab humanis Spiritibus non efficiuntur, An-
gelos (vtrum bonos vel malos, postmodum discutietur) authores
esse. Quid ita? quia de molestiis, quas spiritus afferunt, tota Dispu-
tatio est. Spirituū autem horum duo tantum sunt genera: sunt alij
Angelici; alij humani. (de Deo hic nihil.) Quæ igitur ab humanis,
non fiunt, prorsus necesse est, fiant ab Angelicis..

Verum enim uero quia quædam hic difficultatem habent; res
etiam digna est, quæ diligentius discutiatur; opere pretium fecer-
imus, si omnes molestandi modos, quos superiori Capite percurri-
mus, hic relegamus, & in singulis non quid possint, sed quid præsent:
Spiritus Angelici, explicemus.

Nam si quid possint quæratur, breuis responsio est: *Omnis omni-
no molestiā rationes, quocunq; modo illa percipiātur, Angelos posse ha-
bere authores.* Possunt Angeli sensus exteriores immutare. Possunt i-
maginationem hominis variis simulachris imbuere, mirabilesque
affectiones excitare. Possunt strepitus & tumultus edere. Possunt
viuentes protrudere, impellere, retrahere. Possunt denique vulnera
infligere, atq; adē mortem ipsam afferre.

Atque quemadmodum hæc in his tumultibus, locisque in-
festis, possunt: ita multo pluper se simpliciter possunt, quæ quoniā
fidem humanam quasi superant, hæc, quæ diximus, iis authoribus
fieri posse dubium nemini esse debet. Et quæ illa, ad duo genera re-
uocan-

Hocari posse videntur omnia, quædam immediata ipsorum actione fiunt, quædam interuenientibus causis naturalibus. quæ ibi fiunt, fiunt per metum localem; quæ hic, virtute rerum naturalium præcipue in utroq; genere species multæ.

Motu locali possunt primò plurimum in elementa. Nam ignem ex superioris aeris parte possunt in hæc inferiora dimittere, atque incendia excitare. Job 7. & in mittente ventos, qui etiam vasta diruant ædificia. Job 1. & excitare tempestates in mari vel concitatis ventis, vel aquis maris turbatis: & terram magnis motibus concutere, aut immissione spiritum vehementium in cæuernas terræ, vel cōcussione conclusi spiritus in iisdē. Possunt deinde ex uno loco in alium transferre, & homines, & animalia, & quæcunq; alia corpora. Possunt tertio res præsentes subito ex hominū conspectibus subtrahere, atque ita inuisibiles reddere. Possunt quartò efficere, ut statuē, resq; aliæ anima destitutæ more hominum incedant. Possunt officire quintò, ut eadem quemadmodum homines loquantur aut loqui videantur. Possunt sexto facere, ut animalia ita se moueant, ita agant, ac si ratione & consilio præterentur; quemadmodum serpens Aesculapij, quem diuinitatis quædam quasi signa dantem Romani in Vrbem aduixerunt, teste Valerio lib. 1. capite 8. Possunt septimo res certis locis ita sustinere, ut iis magna etiā videtur exhibiri. moueri nequeant. Possunt 8. subito globos igneos, ardentesque flamas producere. Possunt 9. flumina sistere, & in contrarium impellere cursum. Possunt 10. corpora quorumcunq; animaliū formare, eaq; induere. Possunt 11 representare varias quarumlibet rerum formas, auri, argenti, cupri, gemmarum, dapum &c. Possunt 12. concitare & conturbare humores, vel spiritus, qui sunt in corpore humano; distrahere item partium compages atque connexiones, cum maximo hominum dolore. Possunt 13 spiritus animales, qui interiorum sensuum functionibus deseruiunt, ita mouere & conformare, ut res quasdam vel præteritas, vel præsentes, vel futuras representent. Eosdem spiritus iam speciebus rerum exteriorum informatos possunt ad sensus exteriores deuoluere, atque ita miris modis hominibus illudere, ut sibi videre ante oculos videantur, quæ extra oculos non sunt. Possunt 14. dormientium phantasmatæ mouere, atque res varias, etiam futuras, representare; quemadmodum & in Diuinatoribus faciunt. Possunt 15. imponere sensibus exterioribus, vel intrinsecus spiritus animales commouendo, & ut diximus ad sensus exteriores deuoluendo; vel extrinsecus falsa

obiecta, & rerum tantum simulachra, non autem res ipsas offeren-
do. Possunt 16. omnis generis affectiones in homine excitare, gau-
dij, doloris, amoris, odij, timoris, spei: &c. & hoc vel species & for-
mas rerum obiiciendo, quæ dictarum affectionum sunt causæ: vel
interius nunc phantasia ad similes representandas mouendo; nunc
humores, qui harum affectionum materia sunt coacitando. Hæc om-
nia motu locali possunt spiritus dicti.

7. Mira etiam possunt interuenientibus causis naturalibus iis,
quas secundas dicimus: Sunt enim harum virtutes & vires mul-
tæ, magnæ, præclaræ, admirabiles, stupendæ: vt exemplis pluri-
mis docent Plinius lib. secundo Naturalis historiæ, capite nona-
gesimo sexto. Proclus libro de Sacrificio & Magia. S. Augusti-
nus libro vigesimo primo de Ciuitate Dei, capite quarto & quin-
to. Albertus Magnus libro secundo Mineralium, Tract. 2. cap. 1.
11. 17. Fracastorius libro de Simpathia. Ficinus libro quarto de
Theologia Platonis, capite primo. Cardanus de Subtilitate & Va-
rietate rerum. Et nōrunt Spiritus, de quibus quæstio est, quæ vir-
tutes quibus rebus insint: nōrunt vbi locorum res lateant: nō-
runt quibus cum rebus componi, misceri, quomodoque tempe-
rari debeant: nōrunt, quo tempore tempestiuæ, & oportundi-
ad operandum adhiberi oporteat: hæc nōrunt omnia. & cum res
maxima facilitate, celeritateque, quounque libuerit, valeant
transferre; miranda sunt, quæ harum adminiculo possunt: & mi-
randæ eo magis mortalibus; quod quomodo hæc fiant non intelli-
gant, quamvis etiam naturaliter fiant.

8. Hæc possunt spiritus. & possunt iis modis, quos recensuimus:
vt norunt docti; & exemplis confirmat Benedictus Perierius,
libro primo, de Magia, capite sexto. quidni igitur possent omnia,
quæ locis infestis obseruantur? Verum, quoniam de potentia quæ-
stio non est, sed de facto; quidnam ipsi. Spiritus prætent, in his tu-
multibus; & quænam ipsorum hic ita sint propriæ, functiones at-
que officia; vt spiritibus humanis tribui non debeant, hoc discu-
tiamus.

9. Huic igitur quæstioni hoc responsi datum sit. In molestijs
bis atque infestationibus, duplicit generis res esse, quæ non humanos, sed
Angelicos spiritus habeant autores. Quædam sunt, quæ ab humanis
perfici

perfici nequeunt: quædam quamvis horum opera fieri possint, ut tamen fiant, non est verisimile. De prioribus, quod Angelos autores habeant, non potest esse dubium, cum altos nequeant habere. De posterioribus, quod habeant; & Angelorum, & humanorum Spirituum conditio persuadere videntur. Vtræque variaz sunt ostendimus in singulis generibus.

In priorum genere sunt primùm *prestigia atque illusiones sensuum*, quibus viuentibus imponitur, ut se percipere existiment, quæ reuera non percipiunt; sed vel in solis sunt sensibus externis; vel rerum solum sunt simulachra in aere effecta. *Diximus* superius ab humanis Spiritibus hæc fieri non posse. quæ fit, ut quæ hac ratione, molestia affertur, ab Angelis afferatur.

Sunt deinde *impressions in hominis imaginationem producæ*: veruntamen tales, quæ absque exterioris corporis (quod sensus externos primùm afficiat; deinde sui species ad phantasiam transmittat) subsidio sint factæ. Nam quæ exteriorum sensuum adminiculo ab obiectis corporibus excitantur; ab humanis Spiritibus, dum corpora circumferunt, fieri possunt. At quæ hoc corporum subsidio destitutæ sunt, fiuntque humorum, Spirituum, specierumque, quæ in phantasia sedes suas habent, commotione; quia humanas vires excedunt. Angelos authores agnoscunt.

Sunt tertio *illusiones nocturnæ, quæ dormientibus somnoq; pressū accidunt*. Angelis etiam illæ tribuendæ sunt. Possunt hi in hominis phantasiam se insinuare. Possunt & quæ dormientibus atque vigilab; varia idola obiicere. Et cum ad hæc quoque impares sint hominum Spiritus, authorem nihilominus postulent, Spiritus habebunt Angelos, à quibus producantur.

Quarto opera Angelorum sunt, *que formantur & circumferuntur corpora*. Huius quidem eadem, quæ priorum, ratio. sed tamen quam hæc bene, expediteque ab Angelis perficiantur docent Theologí, qui materiam corporalem ad nutum ipsis dicunt esse subiectam: ut & formare subito quæ velint, valeant corpora; & eadem mox, quando liber, possint deponere.

Et quemadmodum corpora formant hi Spiritus Angelici, ita ipsi sunt, qui ne formata concidant, impedient, eademque conseruant; & quibus eorundem tandem dissolutio tribuenda est. Et prius illud propria aliqua, distinctaque ab ipsis actione efficiunt.

N. 3 Hoc

Hoc idcirco ipsis tribuitur; quod ipsa desinat conservare: patianturque in priorem, ex quo compacta sunt, aërem redire. Hoc quintum in molestiis hisce Angelorum opus.

15. Sic ipsis tribuenda figura atque forma, sicut quibus humani spiritu conspicuntur. Sicuti corporum; ita formarum, quæ corpora sequuntur, sunt authores. Quamuis negari non debeat, quin easdem immutare quadam tenus valeant humani Spiritus, corporis, quod circumferunt, nunc contractione, nunc dilatatione, &c. Sit hoc sextum opus.

16. Tribui quoque debent Angelis colores, per quos in viuentium oculos incurront. Quid mirum? Non sunt effectus Spirituum humorum: oportet igitur sint horum. Corporum etiam sequuntur compositionem; & pro materiæ, ex qua oriuntur, varia coactio-
ne; pro qualitate luminis, quod concipiunt, alij sunt, atque alij. At corpora componunt Angelii. Materiam alio atque alio modo cogunt Angelii. Colores igitur quoddam ipsorum sunt opus.

17. Octauo, Spiritibus Angelicis authoribus credi debet exhiberi & circumferri ingentia, vastaque corpora, & quemque illa humanam formam referant. Communis quidem horum cum iam dictis estratio; quod similibus corporibus circumferendis vires humanæ non sufficiant: sed tamen ex causa redditus Spirituum idem facile docetur. Redetur enim Spiritus hominum, ut cognoscantur. Conuenit igitur, ut non sub peregrina; & humanam formam excedente; sed visitata, & hominibus familiari, & tali, qualem olim habuerunt, conspiciantur.

18. Tumultus quoque aliquando ingentes audiuntur. audiuntur maximi strepitus; qui nonnunquam integros videntur concretere domos: Atque etiam ibi audiuntur, ubi constat molestos esse humanos Spiritus. Sed tamen non humanorum Spiritum hi sunt opera. Quemadmodum ingentia illa corpora; ita hos tumultus atque strepitus Angelii excitant. Illorum vires non superant: hominum vires superant.

19. Decimò. In Angelos illæ molestiz tactiles referenda sunt, que cung, ab hominibus fieri non posse iudicantur. Quemadmodum in cæteris omnibus vires humanas certam regulam constituimus humanarum molestiarum; ita easdem valere voluimus ad molestias illas, non humanis; sed Angelicis Spiritibus tribuendas; quæ easdem vires excedunt. In harum ferè genere sunt incendia, eueriones ædium, visitiones, sectiones, sine armis inficta vulnera, atque his similia, quæ videri quidem possunt ab humanis spiritibus fieri, reuera tamen sunt ab Angelis plerunque.

dictis

Dicitis vndeclimum addo. Quod quandounque aliquibus iniurib[us] in assumpsi corporibus redduntur humani Spiritus; opus Angelorum agnoscer oporteat. Et hoc aliquando fieri dubium non est. quia eodem loco existentes ab his videntur, ab aliis nequaquam. Quod vero Angelorum hoc opus sit, tam est certum; quam quod humanorum Spirituum esse non possit.

Et quae hactenus diximus, in illorum sunt genere, quae idcirco Spiritibus Angelicis tribuuntur; quia per humanos fieri nequeunt. Alia sunt, quae quamuis per humanos fieri possint; & humanas vires non excedant; ob iustas tamen causas, potius Angelis, quam hominum Spiritibus tribui debere videntur.

In horum genere sunt grauia damna, quae viuentibus quandoque per Spiritus afferuntur, qualia sunt mors, confractio membrorum, & his similia. Haec quamuis humanis Spiritibus authoribus fieri possint; ab Angelis tamen, & non humanis Spiritibus afferri credimus, ob rationes, quas capite 29. in secunda nostra Disputationis parte afferimus.

Ex dictis manifestum est, quid discriminis sit inter molestias, quas Angeli mali, atq; illas, quas humani Spiritus viuentibus afferunt, si ad molestiarum authores respiciamus. Possunt Angelii absque humanorum Spirituum opera molestiæ esse. non possunt Spiritus humani absque Angelorum. Quotiescumque molestiæ ab humanis Spiritibus afferuntur, aliqua opera Angelorum interuenit. At non quotiescumque molestiæ sunt Angeli: opera accedit Spiritum humanorum.

C A P. XXV.

*Quibus Angelis authoribus tribuenda sunt illa, quæ cum molestijs, quæ ab humanis Spiritibus afferuntur viuentibus, coniuncta sunt:
bonisne an malis.*

Dicitur imma esse in infestationibus atque molestiis, quæ per humanos Spiritus afferuntur, & non his, sed Angelis authoribus fiunt, ex duobus præcedentibus Capitibus certum est, & manifestum. Verum, quoniam Angeli duplices sunt; quidam mali, qui propter peccata sua, à Dei gratia exciderunt, & infernalibus pœnis adiudicati sunt; quidam boni, qui in gratia persistenterunt, & vitam æternam, quam iam felicissimam agunt,